



Zâlimler el urup hep şemşîr-i can-rübâya  
Kasd etdiler serâpâ "Eulâd-ı Mustafâ" ya  
Deurân olup müsâid ol kaum-i bî-hayâya  
Îsâl olundu bîdâd serhadd-i intihâyâ  
Kimler eder tehammül yâ Rab bu ibtilâyâ  
Âmâc edüb ücûdun bin nâvek-i kazâyâ  
Düşdü Hüseyin atından sahrâ-yı Kerbelâ' ya  
Cibrîl var haber ver "Sultân-ı Enbiyâ" ya

Yârân olub serâpâ mest-i mey-i şehâdet  
Meydânda kaldı tenhâ ol mihr-i euc-i hâcet  
Bu hâl olub adûya sermâye-i cesâret  
Etrâfın aldı birden ol kaum-i pür-dalâlet  
Yetmiş iki yerinden mecrûh olub nihâyet  
Bundan ziyâde harbe Hakk vermeyüb icâzet  
Düşdü Hüseyin atından sahrâ-yı Kerbelâ' ya  
Cibrîl var haber ver "Sultân-ı Enbiyâ" ya

Cûş eyleyüb belâyâ mânend-i meuc-i tûfân  
Keştî-i "Ehl-i Beyt" i kıldı şikest ü uîrân  
Maktûl olup serâser ashâb-ı âl-i zîşân  
Yektâ-reu oldu ol mâh çün âfitâb-ı rahşân  
Her yandan etdi saulet hınzîr-ueş yezîdân  
Sertâbepâ ücûdun zahm eyleyüb kızıl kân  
Düşdü Hüseyin atından sahrâ-yı Kerbelâ' ya  
Cibrîl var haber ver "Sultân-ı Enbiyâ" ya

Ol şâh-ı dîn-penâhı tenhâ görünce düşmân  
Etdi hücûm u saulet şiddetle her taraftan  
Bir hâle vardı âhir zahm-ı hadeng-i âhen  
Mânend-i kasr-ı cennet cisminde oldu rûşen  
Enuâ' -ı yârelerden her cânibinde reuzen  
Kâzım olub nihâyet bî-tâb harb ederken  
Düşdü Hüseyin atından sahrâ-yı Kerbelâ' ya  
Cibrîl var haber ver "Sultân-ı Enbiyâ" ya

Ashâb u âlinin hep kibârı üü sıgârı  
Bir bir kılub önünde azm-i huzûr-i Bârî  
Dil-teng edüb susuzluk tâ arşa oldu sârî  
Etfâl-i seygidâtın feryâd-ı bî-karârı  
Her yüzden etdi tazyîk a' dâ o şehriyârı  
Âhir çıkub elinden dâmân-ı ihtiyârı  
Düşdü Hüseyin atından sahrâ-yı Kerbelâ' ya  
Cibrîl var haber ver "Sultân-ı Enbiyâ" ya